

05-13928 / 11052018

**ILEQQOREQQUSAT**

**Uunga**

**Siorarsiorfik - Nuuk City Development A/S**

**Ingerlatseqatigiiffiup aqqa, najugaa siunertaalu**

**§ 1.**

1.1. Ingerlatseqatigiiffiup taaguutigaa, SIORARSIORFIK – NUUK CITY DEVELOPMENT A/S.

1.2. Ingerlatseqatigiiffik aqqit uku atorlugit suliaminik aamma ingerlatsisinnaavoq

**SIORARSIORFIK A/S (SIORARSIORFIK - NUUK CITY DEVELOPMENT A/S) NUUK CITY DEVELOPMENT A/S  
(SIORARSIORFIK - NUUK CITY DEVELOPMENT A/S)**

1.3. Ingerlatseqatigiiffik Kommuneqarfik Sermersuumi najugaqarpoq.

**§ 2.**

2.1. Ingerlatseqatigiiffiup siunertaraa, Nuummi inissianik illunik aningaasaliiffissanillu ineriartortitsineq, sanaartorneq, piginnittuuneq ingerlatsinerlu aammalu ingerlatseqatigiiffiup pigisaanik aalajangersimasunik pigisaanillu allanik taamaasillunilu assingusunik ingerlataanik piginnittuuneq, imaluunniit tuniniaaneq, attartortitsineq aqutsinerlu.

### **Ingerlatseqatigiiffiup aningaasaatai piginneqataassutaalu.**

#### **§.3.**

3.1. Ingerlatseqatigiiffiup piginneqatigiissutitut aningaasaatai 300.000.000 kr.-inik amerlassuseqarput piginneqataassutinut 1.000 kr.-inik ataasiakkaanut taakkuninngalu amerlanerusinnaasunut agguataarlugit.

3.2. Piginneqataassutit allanneqassapput atermut ingerlatseqatigiiffimmi piginneqataasut allattuiffianni allanneqassallutik.

3.3. Piginneqataassutit immikkut ittumik pisinnaatitaaffeqartitsinngillat. Piginneqataasut arlaannaalluunniit ingerlatseqatigiiffik imaluunniit allat piginneqataassutiminnik tamakkiisumik ilaannakuusumilluunniit aningaasannortitsinissamut pisinnaatitaaffeqanngillat.

3.4. Piginneqataassutit tammarneqartut inatsisit qaqugukkulluunniit atuuttut malillugit pappiarat aningaasannortinneqarsinnaanngitsut pillugit maleruagassat malillugit eqqartuussinertaqanngitsumik atorunnaarsinneqarsinnaapput.

### **Ataatsimeersuarnerit**

#### **§ 4.**

4.1. Ingerlatseqatigiiffiup ataatsimeersuarneri najugaqarfiani ingerlanneqassapput.

4.2. Ileqqusumik ataatsimeersuarneq ukiut tamaasa ingerlanneqartassaaq ima piffissaqarluni ukiumoortumik nalunaarusiaq kukkunersiorneqarsimasoq akuerineqarsimasorlu ukiup naatsorsuusiorfiusup naaneraniit kingusinnerpaamik qaammatit tallimat sapaatillu akunneri pingasut iluannai Inuussutissarsiornermut Aqutsisoqarfimmit tiguneqarsimassalluni.

4.3. Ataatsimeersuarnernut siulersuisut piginneqataasunut allakkatigut aggersaassapput siusinnerpaamik sapaatit akunnerinik sisamanik kingusinnerpaamillu ullunik arfineq pingasunik kalerrilluni piginneqataasut allattuiffianni najukkamut allassimasumut nassiuinneqartunik. Aggersaanermi allanneqassaaq suliassat suut ataatsimeersuarnermi suliarineqassasut, aamma malittarisassani allannguutissanik ataatsimeersuarnermi suliarineqartussanik siunnersuuteqartoqarpat siunnersuutip imaa pingaarnerusoq aggeqqusissummi allanneqassaaq.

4.4. Ataatsimeersuarnissaq kingusinnerpaamik ullut arfineq pingasut sioqqullugit oqaluuserisassat aamma siunnersuutit tamarmiusut ingerlatseqatigiiffiup qullersaqarfiani piginneqataasunit misissorneqarsinnaasunngorlugit saqqummiunneqassapput. Ileqqusumik ataatsimeersuarneq eqqarsaatigalugu ukiumoortumik nalunaarusiaq kukkunersiuusup uppernarsaanera ilanngullugu ataatsimeersuarnissaq kingusinnerpaamik ullunik 30-nik sioqqullugu piginneqataasunut nassiuinneqassaaq aamma ataatsimeersuarnissaq kingusinnerpaamik ullunik 30-nik sioqqullugu ingerlatseqatigiiffiup qullersaqarfiani piginneqataasunit misissugassanngorlugit saqqummiunneqassalluni.

4.5. Piginneqataasut tamarmik sammisamik aalajangersimasumik ataatsimeersuarnermi suliarititsinissamut pisinnaatitaaffeqarput, tamanna pillugu piumasaaqatini siulersuisunut saqqummiussinnaaguni ima piffissaqarluni sammisaq ataatsimeersuarnermi oqaluuserisassanut ilanngunneqarsinnaalluni.

4.6. Immikkut ittumik ataatsimeersuarneq siulersuisut, kukkunersiuisoq imaluunniit ataatsimeersuartut tamanna naleqqutsippagu ingerlanneqassaaq. Sammisaq allakkatigut allanneqarsimasoq aalajangersimasoq suliarineqartussaq aningaasaatit piginneqataasutit qulerarterutaannik piginneqataasunit piumasarineqarpat immikkut ittumik ataatsimeersuarnissamut ullut 14-it qaangiutsinnagit aggersaasoqassaaq.

## § 5.

5.1 Ileqqusumik ataatsimeersuarnermi ukiumoortumik nalunaarusiaq kukkunersiorneqarsimasoq saqqummiunneqassaaq imalu iliortoqassaaq:

a) Suliffeqarfimmik ingerlatsineq pillugu suliffeqarfiup nalunaarutaa.

B-mut Ukiumoortumik nalunaarusiap akuerisassanngorlugu saqqummiunnera.

C-mut: Ukiumut nalunaarut akuersissutigineqartoq naapertorlugu, naatsorsuutini sinneqartoorutit atornissaannut imaluunniit annaasanut matussutiginnissaannut aalajangiineq.

D-mut Siulersuisussamik qinersineq, taamatuttaaq siulersuisut siulittaasussaannik qinersineq

t) Siulersuisuni siulittaasup siulersuisunilu ilaasortat sinnerisa akissarsiassaannik aalajangersaaneq

Kukkunersuisussamik qinersineq.

## § 6.

6.1. Siulersuisunit qinerneqartoq aqutsisoq ataatsimeersuarnermi isumaqatigiinniarnernik aqutsissaaq aamma suliat suliarineqarnissaannut, taasinissanut aamma inernerinut tunngasut apeqqutit tamaasa aalajangiiffigissallugit.

## § 7.

7.1. Piginneqataasut 1.000 kr.-inik nalilik taasinermik ataatsimik naleqarpoq.

7.2. Ataatsimeersuarnermi siunnersuutit oqaluuserisassanut ilanngunneqarsimasut kisimik aalajangiiffigineqassapput.

7.3. Ataatsimeersuarnermi suliassat suliarineqartut nalinginnaasumik amerlanerussuteqarnikkut aalajangiiffigineqassapput, aktieselskabit pillugit inatsimmi sinniisoqarneq aamma amerlanerussuteqarneq pillugu immikkut maleruagassaqqanngippat.

7.4. Ataatsimeersuarnermi pisut ingerlatseqatigiiffiup isumaqatigiinniarnernit pillugit allattaaviani nalunaarusiortoqassaaq, aqutsisumit atsiorneqartussaq.

## Siulersuisut aamma qullersaqarfik

### § 8.

8.1. Ingerlatseqatigiiffimmi siulersuisut 5-7-inik amerlassuseqassapput, taakkulu ataatsimeersuarnermi toqqarneqartassallutik.

8.2. Siulersuisuni ilaasortat ataatsimeersuarnermi toqqarneqartut ukiumi ataatsimi atuuttussatut toqqarneqartassapput.

8.3. Siulersuisuni ilaasortaq qinigaaffik naatinnagu tunuarpat tamatumalu kingunerisaanik siulersuisuni ilaasortaq nutaaq toqqarneqarpat, siulersuisuni ilaasortanngortoq ilaasortaasimasup qinigaaffiata sinnerani ilaasortaassaaq.

8.4. Ilaasortat tunuartut qineqqinneqarsinnaassapput.

8.5. Siulersuisuni ilaasortat ataatsimeersuarnermi siulittaasussartik toqqassavaat. Siulersuisut iluminni siulittaasup tullissaanik qinersissapput, siulersuisut suleriaasianni erseqqinnerusumik aalajangersarneqartut maleruagassat malillugit siulittaasup peqannginnerani siulittaasutut sulisartussaq.

8.6. Siulersuisunut ilaasortat ukiumoortumik ajunngitsorsiaqartinneqassapput, ukiumut aggersumut annertussusissaat ataatsimeersuarnermi aalajangersarneqartartunik.

8.7. Inuit namminersortutut inuussutissarsiuteqartut imaluunniit niuernikkut attuumassuteqarneq pissutigalugu atorfinitsinneqarsimasut siulersuisuni ilaasortanngortussatut toqqarneqarsinnaanngillat, pineqartut ingerlatseqatigiiffiup soqutigisaanut akerliusunik soqutigisaqarsinnaammata imalluunniit ingerlatseqatigiiffiup ajoqutigineqalersinnaasunik paasissutissanik pigisaqalersinnaammata.

8.8. Siulersuisuni ilaasortat tamarmik ataatsimeersuarnermi qinersinissaq sioqqullugu naalagaaffimmi maani ingerlatseqatigiiffinni allani aqutsisutut suliaqarnini pillugu paasissutissiissaaq, ingerlatseqatigiiffinni pigineqartunit 100%-mik pigineqartut eqqaassanngikkaanni.

## **§ 9.**

9.1. Siulersuisuni suliassat suliarineqartut nalinginnaasumik amerlanerussuteqarnikkut aalajangiiffigineqartassapput. Allatigut siulersuisut suleriaatsimigut suliassat isumagineqarneri pillugit aalajangersakkat erseqqinnerusut malillugit aalajangiisassapput.

9.2. Siulersuisut ataatsimiinnerini pisut ingerlatseqatigiiffiup isumaqatigiinniarnert pillugit allattaaviani nalunaarusiortoqassaaq, siulersuisuni ilaasortanit tamanit atsiorneqartussaq.

9.3. Siulersuisut qullersaqarfik 1-5-inik inuttalerlugu atorfinitsissaaq.

9.4. Siulersuisuni ilaasortaanerminni paasisatik tamaasa eqqarsaatigalugit siulersuisuni ilaasortat nipangiussisussaataapput, pissutsit siulersuisunit aalajangerneqarlutik imaluunniit inatsisit malillugit tamanut saqqummiunneqartussatut pineqanngippata.

### **Atsiorsinnaanermut malittarisassat**

## **§ 10.**

10.1. Ingerlatseqatigiiffimmi siulersusoqatigiinni siulittaasoq qullersaqarfimmi tamarmiusumi pisortani marluusuni pisortaq ataaseq peqatigalugu, siulersuisuni siulittaasoq ilaasortat marluk peqatigalugit imaluunniit siulersuisut ataatsimoorlutik atsiortuusinnaatitaassapput

### **Naatsorsuutit kukkunersiunerlu**

## **§ 11**

11.1. Ingerlatseqatigiiffiup ukiua naatsorsuuteqarfiusoq tassaavoq ukioq ullorsiuteqarfiusoq. Ukioq naatsorsuusiorfiusoq siulleq pilersitsinermiit 2018-ip naanissaanut ingerlassaaq.

11.2. Ingerlatseqatigiiffiup naatsorsuutaanik kukkuniuineq ukiumut ileqquusumik ataatsimeersuarnerni pisassaaq, naalagaaffimmit akuerisaasumik kukkuniuisussatut toqqarneqarsimasumit ingerlanneqartassalluni.

**Taamaasillutik ingerlatseqatigiiffiup ileqquusumik ataatsimeersuarnerni maajip 11-ani 2018 akuersissutigineqarput.**

**Aqutsisutut:**